



25. oktober 2018

UKA2018/157

Kalaallit Nunaanni sanaartornermut malittarisassat, pingaartumik AP95-ip, naleqqussarneqarnissaanik nutarterneqarnissaanillu misissueqqissaarfiusumik Naalackersuisut UKA2019-mi nassuiaasiornissaanik Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

Peter Olsen IA-meersup naalackersuisut nassuiaasioqquai sanaartornermut malittarisassat naleqqussarnissaanik nutarterneqarnissaanillu misissueqqissaarfiusumik.

Siunnersuut pingaaruteqartoq aammalu ullutsinnut naleqquttumik atugassaqarnerunissamik ujartuisoq.

Ullumikkut inatsit atuutsinneqartoq siunnersuuteqartutuut pisoqaasorujussuuvoq taamaakkalu-artoq taannaavoq ullumikkut sanaartornermi tunaartarineqartoq.

Malittarisassaq qangarnisat atuutsinneqarallanneranniit ullumikku pissutsit, teknologi, sanaartornisamut atortut aammalu sila assorujussuaq allanngornikuuvoq sanaartukkat inernerinut anner-tuumik sunniuteqarsinnaasut aammalu malittarisassat naapertorlugit ilaatigut naapertuukkun-naarsimasut.

Ukiuni kingullerni sanaartortarnikkut inissiat illullumi sanaartorneqartut oqummik eqqungaanner-migut inuiaqatigiinnut akisoorsuannngortarneri peqqissuseq aammalu allamut inissinniarneq eqqarsaatigalugu atugarilernikuuvut. Sanaartornermi maleruagassat malikkaluarlugit ullumikkut silaannatta isungutannerulerneranik siallikulaneruneratalu kingunerisaanik sanaartornermi atugas-siissutigineqartut isungutannerulernerata kingunerisinnaasai tamatta takorloorsinnaavarput.

Siunnersuuteqartutuut pingaaruteqarput malittarisassat ullutsinnut tulluartut pigiuarnissaat taamaammallu siunnersuutigisaat taperserparput nuannaarutigarpullu aamma naalackersuisunit siunnersuut ilassilluarneqarmat. Siunnersuut ineqarnermut attaveqaateqarnermullu ataatsimiitita-liamik suliarineqarnissaa inassutigarpurput.